

Mona Žemaitējē

Nadideli tu, mona Žemaitējē,
kap numūs išausta mamās kuskeli,
kap gīntara mažas gabalielis|
pamests unt pajūri takieli.

Vo gražumu prilīgsti ramulē,
ar rūtu darželiu prī taka...
Java čia kap syna sugulin
aple mūsa darbštuma daug saka.

Ir šneka čia gražiausi pasaulie,
grāžiausias upes, kalnelē,
čia pati švīsiausi sauleli,
čia patīs tīsiausi kelelē!

Tavi galem apkabinti so ronkom,
kāp maža aveli priglausti
ēr žuodius gražiausius surinkin
i žemaitiška jūsta ģausti.